



*Tonga*

**LAO (FAKATONUTONU) (FIKA 2) KI HE  
LAO KI HE FALE ALEA 2010**

**Lao Fika 21 'o e 2010**





## LAO (FAKATONUTONU) (FIKA 2) KI HE LAO KI HE FALE ALEA 2010

### Fokotu'utu'u 'o e Ngaahi Kupu

#### Kupu

1	Hingoa Nounou.....	5
2	Fetongi 'a e kupu 2 – Ko hono fuoloa 'e fai ai 'a e Fale Alea .....	5
3	Fakatonutonu 'a e kupu 6 – Mate, Faka-fisi pe fakata'e'aonga'i 'o ha taha Fale Alea .....	6
4	Fakatonutonu 'a e kupu 14 – Ko e fakataha 'a e Fale Alea .....	6
5	Fetongi 'a e kupu 15 – Ko e Sea .....	6
6	Fetongi 'a e kupu 16 – Ko e Sea Le'ole'o .....	6
7	Fetongi 'a e kupu 17 – Ko e huufi mo e faka'osi 'o e Fale Alea .....	7
8	Fakahu atu 'a e kupu 19 - Kalake 'o e Fale Alea.....	7





# LAO (FAKATONUTONU) (FIKA 2) KI HE LAO KI HE FALE ALEA 2010

Lao Fika 21 ‘o e 2010

## KO E LAO KE FAKATONUTONU ‘A E LAO KI HE FALE ALEA

‘Oku ou loto ki ai,  
SIAOSI TUPOU V,  
‘Aho 24 ‘o Novema 2010.

**‘OKU TU’UTU’UNI** ‘e he Tu’i mo e Fale Alea ‘o Tonga ‘i he Fakataha Alea ‘o e  
Pule’anga ‘o pehe:

### 1 Hingoa Nounou

- (1) ‘E ui ‘a e Lao ni ko e Lao (Fakatonutonu) (Fika 2) ki he Lao ki he Fale Alea 2010.
- (2) ‘I he Lao ni, ‘e ui ‘a e Lao ki he Fale Alea (Vahe 4), ‘i hono fakatonutonu, ko e Tefito’i Lao.

### 2 Fetongi ‘a e kupu 2 – Ko hono fuoloa ‘e fai ai ‘a e Fale Alea

‘Oku fakapekia ‘a e kupu 2 ‘o e Tefito’i Lao pea fetongi’aki eni-

#### “2 Ko hono fuoloa ‘e fai ai ‘a e Fale Alea

- (1) ‘Oku fakangatangata ‘a e taimi ‘e fai ai ‘a e Fale Alea, ‘o fakatatau ki he kupu 77 ‘o e Konisitutone, ki he ta’u ‘e 4 hili ‘a e ‘aho na’e fai ai ‘a e fili lahi fakamuimui taha.

- (2) ‘E ngofua ke fakahoko ‘a e fili lahi ‘o e kau fakafofonga ‘o e nopele mo e kau fakafofonga ‘o e kakai ‘i he taimi mo e ngaahi feitu’u tatau.”.

### 3 Fakatonutonu ‘a e kupu 6 – Mate, Faka-fisi pe fakata’e’aonga’i ‘o ha taha Fale Alea

‘Oku fakatonutonu ‘a e kupu 6 ‘o e Tefito’i Lao ‘aki hono fakapekia ‘a e “Palemia” pea fetongi’aki ‘a e “Komisoni Fili ‘i ha’ane femahino’aki mo e Sea”.

### 4 Fakatonutonu ‘a e kupu 14 – Ko e fakataha ‘a e Fale Alea

‘Oku fakatonutonu ‘a e kupu 14 ‘o e Tefito’i Lao –

- (a) ‘i he paaki Faka-Pilitania pe, ‘aki hono fakapekia ‘a e “Privy Council” ‘i he hingoa ‘o e kupu pea fetongi’aki ‘a e “Cabinet”;
- (b) ‘i he paaki Faka-Tonga pe, ‘aki hono fakapekia ‘a e “Ko e fakataha ‘a e Fale Alea” ‘i he hingoa ‘o e kupu pea fetongi’aki ‘a e “Tu’utu’uni ‘e he Kapineti ‘a e taimi”;
- (c) ‘aki hono fakapekia ‘a e “Fakataha Tokoni” ‘i he kupu, pea fetongi’aki ‘a e “Kapineti”; pea
- (d) ‘aki hono fakahu ‘a e polovaisoa ko ‘eni ‘i he faka’osinga –

“Ka kuo pau ko e ‘uluaki fakataha ‘a e Fale Alea hili ‘a e fili lahi ke kamata ia ‘i loto ‘i he uike ‘e 6 mei hono fakaha ‘o e ola ‘o e fili ‘i hono fakafoki mai ‘o e tohi tu’utu’uni fili, pea kuo pau ke tu’utu’uni ‘e he Palemia mo e Sea ‘a e ‘aho ‘e fakahoko ai ‘a e ‘uluaki fakataha, pea hili ‘a e femahino’aki ki he ‘aho, kuo pau ke fakaha ia ‘e he Sea ki he Tu’i.”.

### 5 Fetongi ‘a e kupu 15 – Ko e Sea

‘Oku fakapekia ‘a e kupu 15 ‘o e Tefito’i Lao pea fetongi’aki eni -

#### “15 Ko e Sea

Kuo pau ki he Tu’i ke fakanofu, ‘i he fokotu’u ki ai ‘e he Fale Alea, ‘a e Sea mei ha taha ‘o e kau fakafofonga ‘o e hou’eiki nopele pea te ne pule ki he ngaahi fakataha kotoa pea te ne ma’u ‘a e lakanga ko ia ‘o fakatatau ki he kupu 61 ‘o e Konisitutone.”.

### 6 Fetongi ‘a e kupu 16 – Ko e Sea Le’ole’o

‘Oku fakapekia ‘a e kupu 16 ‘o e Tefito’i Lao pea fetongi’aki eni -

**“16 Tokoni Sea**

- (1) Kuo pau ki he Tu’i, ‘i he fokotu’u ki ai ‘e he Fale Alea, ke ne fakanofu ha Tokoni Sea mei he kau fakafongia ‘o e nopele kuo fili.
- (2) Ko e Tokoni Sea kuo pau ke ‘i he lakanga kae ‘oua leva kuo veteki ‘a e Fale Alea kimu’a ‘a e fili lahi hono hoko, tukukehe ka tomu’a pekia, fakafisi, fakangata ‘e ne hoko ko ha fakafongia kuo fili pe kuo fakata’e’aonga’i hono fakanofu ‘e he Tu’i ‘i he fokotu’u ‘a e Palemia ‘i he loto ki ai ‘a e tokolahi ‘oku ‘ikai ke toe si’isi’i hifo ‘i he vaeua ‘o e kau memipa ‘o e Fale Alea.
- (3) Kapau ‘oku ‘ikai ma’u fakataha ‘a e Sea, pe kapau ‘oku ‘ikai ke ‘i ai ha Sea, kuo pau ki he Tokoni Sea ke ne sea ‘i he Fale Alea pea ke ne fakahoko ‘a e ngaahi fatongia ‘o e Sea kae ‘oua kuo faingamalie ‘a e Sea ke ne hoko atu hono lakanga ko e sea mo fakahoko hono ngaahi fatongia.
- (4) Kuo pau ki he Tokoni Sea, tukukehe kapau ‘oku ne sea ‘i he Fale Alea, ke ne fili ko ha fakafongia fili pea ke ne ma’u ‘a e ngaahi totonu mo e fatongia tatau mo ha toe fakafongia fili.”.

**7 Fetongi ‘a e kupu 17 – Ko e huufi mo e faka’osi ‘o e Fale Alea**

‘Oku fakapekia ‘a e kupu 17 ‘o e Tefito’i Lao pea fetongi’aki eni -

**“17 Ko e huufi mo e malanga tuku ‘o e Fale Alea**

Kuo pau ko e to’u fakataha ‘o e Fale Alea ‘e huufi mo malanga tuku ‘e he Tu’i pe Tu’i Fakale’o pe ko ha hou’eiki nopele ‘e toko tolu kuo fakanofu ‘e he Tu’i.”.

**8 Fakahu atu ‘a e kupu 19 - Kalake ‘o e Fale Alea**

‘Oku fakatontonu ‘a e Tefito’i Lao ’aki hono fakahu atu ‘a e kupu ni –

**“19 Kalake ‘o e Fale Alea**

- (1) Kuo pau ke ‘i ai ‘a e Kalake ‘o e Fale Alea.
- (2) Kuo pau ki he Kalake ke ne ‘i he lakanga neongo ‘oku liliu ‘a e ni’ihi ‘oku ‘i he Pule’anga.
- (3) Kuo pau ke fakanofu ‘e he Sea ‘i hono tali ‘e he Fale Alea ‘a e Kalake ‘o fakatatau ki he ngaahi tu’unga ngaue kuo tali ‘e he Fale Alea.
- (4) Ko e ngaahi fatongia ‘o e Kalake ‘oku kau ki ai ‘a e –

- (a) fakahoko ‘a e ngaahi ngaue ki he founa ngaue, faka-lao, pea faka-kalake ki he Sea mo e kau memipa ‘o e Fale Alea;
- (b) fakangaue’i (fakataha mo e Sea pea ‘i he loto ki ai ‘a e Fale Alea), pea tokanga’i pea fokotu’utu’u ‘a e ngaahi tu’utu’uni mo e founa ngaue ‘a e kau ngaue kotoa ‘oku ngaue ‘i he ngaahi ‘ofisi ‘o e Fale Alea;
- (c) fakahoko ‘a e ngaahi ngaue faka-sekelitali ki he Fale Alea mo hono ngaahi komiti; mo
- (d) fale’i ‘a e Sea mo e kau memipa ‘o fekau’aki mo e lao faka-fale alea mo e founa ngaue.”.

Na’e tali ‘e he Fale Alea ‘i he ‘aho 22 ni ‘o Siulai 2010.